


Headline Ikat perut demi tunai haji sekeluarga
 MediaTitle Harian Metro
 Date 10 Jul 2019
 Section Setempat
 Page No 19
 Language Malay
 Journalist N/A
 Frequency Daily

Color Full Color
 Circulation 112,705
 Readership 338,115
 ArticleSize 402 cm²
 AdValue RM 15,836
 PR Value RM 47,509



Ikat perut demi tunai haji sekeluarga



Sebang: "Impian saya untuk membawa isteri dan anak ke Tanah Suci untuk mengerjakan haji dimakbulkan Allah SWT. "Alhamdulillah, saya mendaftar haji untuk keluarga pada 2008 dan menerima tawaran pada Januari lalu," kata pesara Tentera Laut Diraja Malaysia (TLDM), Azhar Othman, 52.

Bellau yang berasal dari Kampung Kuala Sungai Baru, Melaka, berkata, dia dan isteri, Zulaida Mohamad Said, 53, memang berniat dari awal untuk mendaftar nama anak mereka dengan Lembaga Tabung Haji (TH). "Tiga daripada empat anak saya iaitu Nurul Afiqah, 27, Muhammad Amirul Syahmi, 26, dan Nurul Syahirah, 19, terpilih menjadi tetamu Allah.

"Manakala anak bongsu, Nurul Iman Qaisarah, 8, tidak dapat ikut kerana belum cukup umur.

"Bagaimanapun, antara empat anak saya cuma Nurul Iman yang sudah mencukupi simpanan dalam TH ketika itu," katanya ketika ditemui di Kompleks TH di sini, semalam.

Mereka antara 483 jemaah yang terpilih menjadi tetamu Allah sempena Musim Haji 1440H 2019M.

Jemaah berkenaan berlepas menertu penerbangan KT10 (NY 5662) dari Lapangan Terbang Antarabangsa Kuala Lumpur (KLIA) ke Madinah, jam 2.30 petang semalam dan dijangka tiba jam 6 petang (waktu Arab Saudi).

Azhar berkata, dia dan keluarga membuat persediaan awal termasuk mengikuti kursus haji sejak 2017.

"Setiap bulan saya membuat potongan gaji RM500 untuk menyimpan dalam TH walaupun

“ Saya kena disiplin terutama soal menyimpan duit kerana kalau kita selalu beri alasan sampai bila hajat nak ke Tanah Suci tidak kesampaian ”
 Azhar



AZHAR dan keluarga memeriksa segala persiapan dibuat sebelum berangkat ke Tanah Suci.

terpaksa mengikat perut.

"Saya kena disiplin terutama soal menyimpan duit kerana kalau kita selalu beri alasan sampai bila hajat nak ke Tanah Suci tidak kesampaian.

"Insya Allah, saya percaya rezeki ada di mana-mana dan tidak salah alamar

sekiranya kita ikhlas," katanya.

Sementara itu, Zulaida berkata, dia berdoa semoga segala urusan dan ibadat dipermudahkan sepanjang mereka berada di sana.

"Satu rahmat apabila terpilih mengerjakan haji bersama suami dan

anak-anak. Kami akan menggunakan peluang yang ada ini untuk melakukan amalan sebanyak mungkin.

"Mudah-mudahan Allah SWT merahmati kami sekeluarga dan akan datang lagi ke sini bersama anak bongsu," katanya yang juga suri rumah sepenuh masa.